

Bengali



# আপনার বর্জ্য এবং রিসাইক্লিং (পুনর্ব্যবহারযোগ্য) পরিষেবা গাইড



বর্জ্যহীন  
জগতে  
স্বাগতম

# সূচীপত্র


City of Canterbury Bankstown আপনার মত বাসিন্দা এবং ব্যবসায়ীদের বর্জ্যহীন প্রজন্মে পরিণত হতে সাহায্য করার জন্য কঠোর পরিশ্রম করছে। যদি আমরা সবাই একসাথে কাজ করি, তাহলে আমরা একটা বড় পার্থক্য গড়ে দিতে পারি। এটা সহজ হবে না, কিন্তু একটি সম্প্রদায় হিসেবে, আমরা এটা করতে পারি।

এই গাইডে আপনি আপনার বর্জ্য এবং পুনর্ব্যবহার পরিষেবা সম্পর্কে তথ্য পাবেন, সেই সাথে আপনাকে কম বর্জ্য তৈরি এবং আরো ভালোভাবে রিসাইকেল করতে সাহায্য করার জন্য লিংকস্ এবং টিপস্ পাবেন।

আমরা বর্জ্যকে নতুনভাবে সংজ্ঞায়িত করছি	3
আপনার আবর্জনার লাল বিন	4
আপনার হলুদ রিসাইক্লিং বিন	6
আপনার বাগানের সবুজ বিন	8
আপনার বিন পরিচালনা করা	10
আপনার হলুদ বিনের সীমাবদ্ধতার অতিরিক্ত	12
আপনার খাবারের উচ্ছিষ্ট সমূহ আমাদের দরকার	14
আপনার বাতিল জিনিসগুলোকে নতুন জীবন দান করুন	16
অবৈধ ডাম্পিং-এর উপর চোখ রাখুন	17
আপনার বুক করা ভারী বর্জ্য পরিষ্কার	18



# আমরা বর্জ্যকে নতুনভাবে সংজ্ঞায়িত করছি



'বর্জ্য শ্রেণীবিন্যাস' হলো আমরা সকলেই কীভাবে বর্জ্য পরিচালনা করি তা চিন্তা করার একটি উপায়। এটা নির্ধারণ করে যে আপনি কম বর্জ্য উৎপাদন করতে পারেন, সম্পদ আরো দক্ষতার সাথে ব্যবহার করতে পারেন এবং বর্জ্যহীন প্রজন্মের অংশ হতে পারেন।

আপনি (সেই সাথে প্রস্তুতকারক এবং খুচরা বিক্রেতাপনও) কতটা অপচয় করেন তা সীমিত করার জন্য আপনি যে নতুন পণ্য কিনছেন তা **প্রত্যাখ্যান করুন এবং হ্রাস করুন**।

যতবেশি সম্ভব পণ্য এবং জিনিস **পুনঃব্যবহার, পুনঃউপহার, মেলামত এবং পুনঃউদ্দেশ্য করুন**। এটি বর্জ্য হ্রাস করবে এবং পণ্য ও জিনিস তৈরিতে ব্যবহৃত সম্পদের সর্বাধিক ব্যবহার করতে আপনাকে সহায়তা করবে। উদাহরণস্বরূপ, এক বছরের জন্য প্রতিদিন ব্যবহৃত একটি পুনর্ব্যবহারযোগ্য কফি কাপ ৩৬৫ ডিসপোজেবল কাপ প্রতিস্থাপন করে।

সম্ভব সবকিছু **রিসাইকেল** করুন এবং সেগুলোতে উপাদান এবং শক্তি দিয়ে তাদের দ্বিতীয় জীবন দিতে পারেন। আপনি রিসাইকেল করতে পারেন এমন অনেক জিনিসের একটি তালিকার জন্য ৭নং এবং ১২নং পৃষ্ঠা দেখুন।

যা অবশিষ্ট আছে তার শেষ ঠিকানা হচ্ছে **ভাগাড়**।

অবশিষ্ট উপাদানে নিহিত থাকা শক্তি **পুনরুদ্ধার** করুন।

# আপনার আবর্জনার লাল বিন

যখন আপনি আপনার  
নরম প্লাস্টিক সুপারমার্কেটে  
রিসাইকেল করার জন্য  
ফেলবেন তখন আপনি  
আপনার লাল বিনের মধ্যে  
অনেক জায়গা পাবেন।

আপনার লাল বিন গৃহস্থালী আবর্জনার জন্য যা  
পুনঃব্যবহার, রিসাইকেল বা আপনার সবুজ বিনে  
রাখা যাবে না। আপনার রাখা সবই ভাগাড়ে চলে  
যায়।

২০৩০ সালের মধ্যে, CBCity -র লক্ষ্য হচ্ছে  
অন্তত ৮০ শতাংশ উপাদান ভাগাড় থেকে সরিয়ে  
নেওয়া। এটা তখনই সম্ভব হবে যদি আমরা বর্জ্য  
হ্রাস করতে, রিসাইক্লিং-এর বিকল্প খুঁজতে এবং  
বর্জ্যকে নতুনভাবে সংজ্ঞায়িত করতে সবাই  
একসাথে কাজ করি। আজ আপনি কিভাবে  
বাস্তব এবং ইতিবাচক পরিবর্তন করতে পারেন সে  
সম্পর্কে সহজ টিপস পেতে এই গাইডটি পড়ুন।



আপনার **রেড** বিনটি সাপ্তাহিক ভিত্তি তে  
খালি করা হয়। আপনার বিন সংগ্রহের  
দিনটি **cb.city/BinDayFinder** গিয়ে  
খুঁজুন



## গৃহীত জিনিস



প্লাস্টিকের ব্যাগ



প্লাস্টিকের মোড়ক



ফোম



খাদ্য



সিরামিক এবং ক্রোকোরি

## যেসকল জিনিস গৃহীত নয়



ইলেকট্রনিকস্



ইট



গ্যাসের বোতল



রাসায়নিক এবং রং



ব্যাটারি

# আপনার হলুদ রিসাইকেলিং বিন

আপনার হলুদ বিন গৃহস্থালী জিনিসের জন্য  
যা রিসাইকেল করা যেতে পারে এবং নতুন  
পণ্য তৈরি করা যেতে পারে। এই জিনিসগুলো  
এমন এক জায়গায় নিয়ে বাছাই করা হয়  
যেখানে মানুষ এবং মেশিন মিলে কাগজ, ধাতু,  
কাঁচ এবং প্লাস্টিক পৃথক শ্রেণীতে বাছাই করে  
রিসাইকেল জন্য প্রস্তুত করে।

আপনি যখন রিসাইক্লিং  
জিনিসগুলো প্লাস্টিকের  
ব্যাগের পরিবর্তে আলগাভাবে  
রাখবেন তখন আপনি  
জানেন যে এটি  
রিসাইকেল হবে।



## গৃহীত জিনিস



প্লাস্টিকের বোতল, গামলা  
এবং কন্টেইনার বা পাত্র



কাঁচের বোতল এবং জার



কাগজ এবং কার্ডবোর্ড



অ্যালুমিনিয়াম, ইস্পাত  
এবং এরোসল ক্যান



হলুদ এবং সবুজ বিন বিকল্প  
সাপ্তাহিক ভিত্তিতে খালি করা হয়।  
[cb.city/BinDayFinder](http://cb.city/BinDayFinder) -এ গিয়ে  
আপনার বিন সংগ্রহের দিন খুঁজুন

## যেসকল জিনিস গৃহীত নয়



প্লাস্টিকের ব্যাগ



ফোম



খাদ্য



জামাকাপড় এবং জুতা



সিরামিক এবং ক্রোকারি

### আপনার রিসাইক্লিং সঠিকভাবে করুন

- আলগাভাবে রিসাইক্লিং বিনে আইটেম রাখুন - প্লাস্টিকের ব্যাগ থেকে তাদের বের করে রাখুন;
- লাল বিনে প্লাস্টিকের ব্যাগ এবং অন্যান্য প্লাস্টিকের প্যাকেজিং রাখুন (অথবা রিসাইক্লিং-এর জন্য দিয়ে আসুন);
- ক্যানের মতো জিনিসগুলো হালকাভাবে ধুয়ে ফেলুন এবং ফেলার আগে ঢাকনা খুলে ফেলুন; এবং
- প্লাস্টিকের পাত্রের কোন রিসাইক্লিং নম্বর বা ত্রিভুজ চিহ্ন উপেক্ষা করুন কারণ এগুলো শুধুমাত্র প্লাস্টিকের ধরণের প্রতিনিধিত্ব করে, এর পুনর্ব্যবহারযোগ্যতা নয়।

### লেবেল খুঁজুন

ডিসপোজেবল নির্দেশনা খুঁজুন, যেমন আপনি যে পণ্য কিনবেন তার উপর অস্ট্রেলিয়ান রিসাইক্লিং লেবেল।



### কি কি এড়িয়ে চলতে হবে

আপনার রিসাইক্লিং-এ ভুল জিনিসগুলো রাখার ফলে যা হতে পারে:

- বর্জ্য সম্পদের অপচয়: প্লাস্টিকের ব্যাগে পুনর্ব্যবহারযোগ্য জিনিসগুলো ভাগাড়ে যায়;
- অন্যান্য উপাদান দূষিত করে: পলিস্টাইরিন কাগজ রিসাইকেল করা প্রতিরোধ করে।
- ঝুঁকির আঘাত: ব্যবহৃত ধারালো জিনিসগুলো সুই এর খোঁচার মতো আঘাতের কারণ হয়ে থাকে।
- ক্ষতিগ্রস্ত ট্রাক এবং যন্ত্রপাতি: ব্যাটারি এবং পূর্ণ অ্যারোসোল ক্যানগুলোর কারণে আগুন লাগতে পারে এবং প্লাস্টিকের ব্যাগগুলো কনভেয়ারে আটকে থাকতে পারে।

# আপনার বাগানের সবুজ বিন

আপনার সবুজ বিনে রাখা  
বাগানের কাঁটা ডালপালাগুলো  
কাউন্সিল ভালো সার এবং  
খড়ে পরিণত করে। আপনি  
কাউন্সিলের দেয়া একটি  
অনুষ্ঠানে এই পণ্যগুলো  
বিনামূল্যে পেতে পারেন।

আপনার সবুজ বিন জৈব উপাদানের জন্য যা  
আপনার বাগান থেকে আসে। এই বাগানের  
কাঁটা ডালপালা একটি প্রক্রিয়াকরণ কেন্দ্রে  
নিয়ে যাওয়া হয় এবং খড় ও সারে পরিণত  
করা হয়, যা বাগানে ব্যবহার করা যেতে পারে।

উপাদানসমূহ যেমন প্লাস্টিক এবং রাসায়নিক  
আপনার সবুজ বিন থেকে বাইরে রাখা  
বিশেষভাবে গুরুত্বপূর্ণ, যেহেতু তারা তৈরিকৃত  
পণ্য দূষিত করতে পারে।



**হলুদ** এবং **সবুজ** বিন বিকল্প  
সাপ্তাহিক ভিত্তিতে খালি করা হয়।  
**cb.city/BinDayFinder** -এ গিয়ে  
আপনার বিন সংগ্রহের দিন খুঁজুন



## গৃহীত জিনিস



বাগানের গাছের ছাঁটাই  
অংশ



বাগানের কাঁটা ঘাস



কাঁটা ফুল



পাতা



লাঠি এবং শাখা  
(১মিটারের চেয়ে ছোট)

## যেসকল জিনিস গৃহীত নয়



বাগানের সরঞ্জাম



গাছের গুড়ি



খাদ্য



বিল্ডিং উপকরণ



রাসায়নিক এবং রং

# আপনার বিন পরিচালনা করা

## আপনার বিনগুলো বাইরে ঠিক করে রাখা

সংগ্রহের জন্য আপনার বিন বের করার সময় নিচের ধাপগুলো অনুসরণ করুন:

- আবর্জনা ছড়িয়ে পড়া এবং পোকামাকড় যাতে বিনে ঢুকতে না পারে সে জন্য ঢাকনাগুলো পুরোপুরি বন্ধ করা নিশ্চিত করুন;
- নিশ্চিত করুন যে বিনের চারপাশে কোন আলগা ব্যাগ বা জিনিস নেই, কারণ ড্রাইভাররা এগুলো তুলতে পারে না; এবং
- আপনার প্রতিবেশীকে জিজ্ঞাসা করুন যদি আপনার তাদের বিন ব্যবহার করার প্রয়োজন হয়।



বিনগুলো খালি করার ২৪ ঘন্টার মধ্যে আপনি সেগুলো আপনার বাড়ীর ভিতরে নেয়া নিশ্চিত করুন।

## আপনার অংশ করা

আপনার বিন  
সংগ্রহ দিনের  
আগের রাতে  
বিনগুলো বের  
করুন

বিদ্যুতের তার  
থেকে ৪.২  
মিটার দূরে

- বন্ধ ঢাকনা
- উপচে না পরা
- বিনের পাশে কোন বর্জ্য না থাকা
- ৭০ কেজির নিচে থাকা



গাড়ি থেকে ১ মিটার  
দূরে



৩০ সেন্টিমিটার  
ব্যবধানে রাখা



গাছ বা খুঁটি থেকে ১  
মিটার দূরে রাখা

সঠিক সংখ্যক বিন ভাল অবস্থায় রাখার ফলে আবর্জনা এবং পাখি আক্রমণ প্রতিরোধ করে এবং আপনাকে কম অপচয় ও আরো রিসাইকেল করতে সাহায্য করে।

আপনাকে আপনার বিন পরিচালনা করতে সাহায্য করার জন্য আমাদের বিভিন্ন অনলাইন সেবা রয়েছে অথবা **9707 9000** নম্বরে কল করতে পারেন। আমরা অনুরোধগুলো পর্যবেক্ষণ করি যাতে সেগুলো সঠিকভাবে ব্যবহার করা যায়।

- 1** **আপনার বিন সংগ্রহের দিন খুঁজুন:** এটি আপনাকে আপনার সাপ্তাহিক বিন সংগ্রহের দিন এবং আপনার পাস্টিক হলুদ রিসাইক্লিং এবং সবুজ বিন সাইকেল অনুসন্ধান করতে সাহায্য করে। [cb.city/BinDayFinder](http://cb.city/BinDayFinder)
- 2** **বিন সংগ্রহ না করলে রিপোর্ট করুন:** আপনি যদি আপনার বিন সময়মত এবং সঠিক অবস্থানে রাখেন কিন্তু আমরা এটি সংগ্রহ না করে থাকি, তাহলে আমাদের জানান এবং আমরা একটি বিশেষ সংগ্রহের ব্যবস্থা করবো। [cb.city/reportit](http://cb.city/reportit)
- 3** **ক্ষতিগ্রস্ত বা ভাঙ্গা বিন থাকলে রিপোর্ট করুন:** সমস্যাটি কি তা আমাদের জানান এবং আমরা বিনামূল্যে এটি মেরামতের জন্য একটি দল পাঠাবো। [cb.city/reportit](http://cb.city/reportit)
- 4** **বিন হারানো গেলে রিপোর্ট করুন:** প্রথমে দেখুন যে আপনার বিন আপনার প্রতিবেশীর উঠানে বা রাস্তার মধ্যে দূরে কোথাও নেই। যদি এটা হারানো যায়, আমাদের জানান এবং আমরা নতুন আরেকটি দিবে। [cb.city/reportit](http://cb.city/reportit)
- 5** **অতিরিক্ত বিনের জন্য আবেদন করুন:** যদি আপনার বিন সবসময় খুব বেশি পূর্ণ থাকে, তাহলে সম্পত্তির মালিক বা রেন্ট পেয়ার একটি অতিরিক্ত লাল, হলুদ এবং/অথবা সবুজ বিনের জন্য আবেদন করতে পারেন। এর জন্য অতিরিক্ত মূল্য দিতে হবে। [cb.city/waste-form](http://cb.city/waste-form)
- 6** **চিকিৎসা বর্জ্য সেবার জন্য আবেদন করুন:** আপনার যদি চিকিৎসা বর্জ্যের জন্য অতিরিক্ত বিনের প্রয়োজন হয়, যেমন স্যানিটারি প্রোডাক্ট বা ডায়ালাইসিস বর্জ্য, তাহলে আপনি একটি অতিরিক্ত বিনের জন্য আবেদন করতে পারেন। [cb.city/waste-form](http://cb.city/waste-form)
- 7** **আপনার বিন পরিষেবা স্থগিতকরণ:** আপনি যদি আপনার সম্পত্তি ভেঙ্গে ফেলেন এবং পুনর্নির্মাণ করেন, তাহলে আপনি আপনার বিন পরিষেবা সাময়িক বিরতি দিতে পারেন এবং এই সময়ের মধ্যে একটি কম বর্জ্য সেবা মূল্য পরিশোধ করতে পারেন। [cb.city/waste-form](http://cb.city/waste-form)

# আপনার হলুদ বিনের সিমাবদ্ধতার অতিরিক্ত

আপনার হলুদ বিন আপনাকে এবং আপনার পরিবারকে বাড়িতে ব্যবহৃত গ্লাস, ধাতু এবং প্লাস্টিকের কন্টেইনার, কাগজ এবং কার্ডবোর্ড রিসাইকেল করতে দেয়। অন্যান্য উপাদানের ক্রমবর্ধমান পরিসরের জন্য নির্মাতা, খুচরা বিক্রেতা এবং দাতব্য সংস্থা দ্বারা পরিচালিত রাখার স্থান বা সংগ্রহ পরিষেবা আছে যা আপনাকে আপনার জিনিসগুলো নিরাপদে ফেলা/রিসাইকেল করার সুযোগ দেয়। কিছু উদাহরণ টেবিলে দেয়া আছে।

এই জিনিসগুলো পৃথক করা  
এবং পুনর্ব্যবহারের জন্য  
সেগুলো রেখে আসা আপনাকে  
বর্জ্য কমাতে সাহায্য করে।



উপাদান	কিভাবে রিসাইকেল করতে হয়	আরও তথ্য
নরম প্লাস্টিক	নরম প্লাস্টিকের জন্য প্রধান সুপারমার্কেটে জমা রাখার বিন (যেমন রুটি এবং সিরিয়ালের প্যাকেট)।	📍 Red Cycle Plastic (রেড সাইকেল প্লাস্টিক)
পুরাতন বা ভাঙ্গা ইলেকট্রনিক্স	নির্বাচিত দোকানে এবং কাউন্সিলের তাৎক্ষণিক কর্মসূচি অনুষ্ঠানে জমা দিন।	🌐 <a href="http://cb.city/ewaste">cb.city/ewaste</a>
মোবাইল ফোন	বেশিরভাগ খুচরা ফোন বিক্রেতা এবং ই-বর্জ্য অনুষ্ঠানে জমা দিতে পারেন।	📍 Mobile Muster (মোবাইল মাস্টার)
ব্যাটারি	নির্বাচিত দোকানে এবং কাউন্সিলের তাৎক্ষণিক কর্মসূচি অনুষ্ঠানে জমা দিন।	📍 Recycling Near You Batteries (আপনার কাছাকাছি স্থানে ব্যাটারির রিসাইক্লিং)
প্রিন্টার কার্টিজ	নির্বাচিত দোকানে, কাউন্সিলের তাৎক্ষণিক কর্মসূচি অনুষ্ঠানে এবং কর্মক্ষেত্রের বাঞ্ছা জমা করুন।	📍 Cartridges 4 Planet Ark
গৃহস্থালীর রাসায়নিক পদার্থ	কমিউনিটি রিসাইক্লিং সেন্টার এবং/অথবা একটি দ্বিবার্ষিক কাউন্সিল সার্ভিসে জমা করুন।	📍 Chemical CleanOut (রাসায়নিক CleanOut) 🌐 <a href="http://cb.city/chemical">cb.city/chemical</a>
জামাকাপড়, জুতা এবং টেক্সটাইল	দাতব্য দোকান বা জামাকাপড়ের বিনে জমা করুন অথবা বাড়ি থেকে সংগ্রহ পরিষেবা বুক করুন।	📍 Charity Bin (দাতব্য সংস্থার বিন)
অনাবশ্যিক বা মেয়াদোত্তীর্ণ ঔষধ	বেশিরভাগ কেমিস্টদের কাছে জমা দিতে পারেন।	📍 Return Med (রিটার্ন মেড)
সূচ এবং ধারালো জিনিস	নির্বাচিত কেমিস্টদের কাছে জমা দিন।	🌐 <a href="http://cb.city/sharps">cb.city/sharps</a>
পানীয় বোতল, ক্যান এবং কার্টন	রিভার্স ভেন্ডিং মেশিন বা ডিপোতে জমা দিন অথবা সংগ্রহ পরিষেবার ব্যবস্থা করুন।	📍 Return and Earn (ফিরত দিন এবং উপার্জন করুন)



আপনি যখন ঘরে বসে নিজেই তৈরি করতে পারেন তখন কেন জৈব সার বা সার কেনার জন্য অর্থ ব্যয় করবেন?



# আপনার খাবারের উচ্ছিষ্ট সমূহ আমাদের দরকার

আমাদের লাল বিনের প্রায় অর্ধেক আবর্জনা খাদ্য বর্জ্য থেকে আসে। এর থেকে বুঝা যায় যে আমরা অনেক অর্থ অপচয় করছি এবং খাদ্য উৎপাদন, প্রক্রিয়া এবং পরিবহনের জন্য প্রয়োজনীয় সম্পদের অপচয় হচ্ছে। খাদ্য অপচয় থেকে দূরে থাকা পরিবেশের সাথে সাথে আপনার পকেটের জন্যও ভালো।



## খাবারকে ভালবাসুন, অপচয়কে ঘৃণা করুন

অর্থ সঞ্চয় এবং বর্জ্য কমাতে কিভাবে আপনি ভালভাবে কেনাকাটা, রান্না এবং খাদ্য সংরক্ষণ করতে পারেন তার জন্য দেখুন [lovefoodhatewaste.nsw.gov.au](http://lovefoodhatewaste.nsw.gov.au) এবং [cb.city/lovefoodhatewaste](http://cb.city/lovefoodhatewaste)

## আপনার খাবারের উচ্ছিষ্ট সমূহ রূপান্তর করুন

আপনি আপনার খাবারের উচ্ছিষ্ট সমূহ শুধুমাত্র জৈব সার বা কেঁচো চাষের মাধ্যমে আপনার বাগানের জন্য একটি বিস্ময়কর সারে পরিণত করতে পারেন। কিভাবে শুরু করবেন তা বের করুন এবং দেখুন [cb.city/foodwaste](http://cb.city/foodwaste)

## আপনার খাবারের উচ্ছিষ্ট সমূহ ভাগ করুন

আপনার যদি জৈব সার বিনের জন্য জায়গা বা সময় না থাকে অথবা কেঁচো খামারের জন্যও সময় না পান, তাহলে চিন্তা করবেন না। আপনি ShareWaste সাইটে আপনার এলাকার প্রতিবেশীদের খুঁজতে পারেন যারা আপনার খাবারের উচ্ছিষ্টসমূহ গ্রহণ এবং প্রক্রিয়া করবে। অন্য দিকে, আপনার জৈব সার বিনে যদি অতিরিক্ত জায়গা থাকে তাহলে আপনি আপনার প্রতিবেশীদের কাছ থেকে অতিরিক্ত খাবারের উচ্ছিষ্ট সমূহ নিতে পারেন। আরও দেখুন [cb.city/sharewaste](http://cb.city/sharewaste)

## নিজে উৎপাদন করুন

মনে আছে নিজের উৎপাদিত শাকসবজির স্বাদ? আপনার নিজস্ব সবজির বাগান তৈরি আপনার স্বাস্থ্য এবং সুস্থতার পাশাপাশি পরিবেশের জন্যও ভালো। কিভাবে আপনি শুরু করতে পারেন তা এখানে জেনে নিন

[cb.city/grow-your-own](http://cb.city/grow-your-own)

# আপনার বাতিল জিনিসগুলোকে নতুন জীবন দান করুন

অবাস্তিত জিনিস বিক্রি, দান বা দিয়ে দেয়ার মাধ্যমে এই সকল সম্পদের সর্বোৎকৃষ্ট ব্যবহার নিশ্চিত করতে পারে। আপনি এর মাধ্যমে কিছু টাকাও উপার্জন করতে পারেন অথবা অভাবী কাউকে দিয়ে সাহায্য করতে পারেন।

আপনার ভাল মানের অথচ অবাস্তিত জিনিসগুলোকে নতুন জীবন দেওয়ার অনেক উপায় আছে:

- তাদের কোন বন্ধু বা পরিবারের সদস্যকে দিন;
- তাদের একটি দাতব্য সংস্থাকে দান করুন যেমন Bower's Rehoming Service;
- অনেক কমিউনিটি পুনঃব্যবহার দলের যেকোনো একটির মাধ্যমে তাদের দিন, যেমন FreeCycle;
- Facebook Marketplace, Gumtree, বা eBay -এর মতো অনেক বাণিজ্যিক কেনাবেচা সাইটের মাধ্যমে সেগুলো বিক্রি করুন; বা
- একটি গ্যারেজ সেল বা একটি বিনিময় অনুষ্ঠানের আয়োজন করুন।

শিশুদের বিভিন্ন খেলনা, প্রাম, বই, সরঞ্জাম, শপিং ব্যাগ, কম্পিউটার, আসবাবপত্র এবং এমনকি স্টেশনারির মতো বিভিন্ন জিনিসের জন্য কমিউনিটির পুনঃব্যবহার উদ্যোগ রয়েছে। আরও তথ্যের জন্য, 'Planet Ark Reuse Hub' অনুসন্ধান করুন।

ভালো মানের জিনিস যা আপনি আর চান না,  
সেগুলো দান করার ফলে অভাবী অন্যদের  
সাহায্য করে, যেমন কাপড়।



# অবৈধ ডাম্পিং-এর উপর চোখ রাখুন

সবাই একটি পরিষ্কার এবং পরিচ্ছন্ন রাস্তা চায় এবং অবৈধ আবর্জনা ফেলা রোধ করার জন্য একসাথে কাজ করে আমরা সেই রাস্তাগুলো তৈরি করতে পারি।

এটা মনে রাখা জরুরী যে ভারী বর্জ্য পরিষ্কার বুকিং ছাড়া জিনিস বাইরে রেখে দেয়া অবৈধ - এমনকি যদি আপনি মনে করেন যে জিনিসগুলো তুলে নেয়া হতে পারে অথবা অন্য কেউ নিতে পারে। আপনি যদি কোন বুকিং ছাড়াই জিনিসগুলো বাইরে রাখেন, তাহলে আপনাকে \$৪০০০ ডলার পর্যন্ত জরিমানা করা হতে পারে।

সঠিক কাজটি করুন। কাউন্সিল থেকে একটি ভারী বর্জ্য পরিষ্কার বুক করা অনেক সহজ এবং সস্তা। [cb.city/cleanup](http://cb.city/cleanup) -এ আপনি কিভাবে এটা করতে পারেন তা জেনে নিন

## যদি আপনি দেখেন তাহলে রিপোর্ট করুন

আপনি যে কোন অবৈধ ডাম্পিং-এর ব্যাপারে জানিয়ে আপনার রাস্তা পরিষ্কার এবং পরিপাটি রাখতে আমাদের সাহায্য করুন। সময় ও তারিখ, সঠিক অবস্থান এবং উপাদানের ধরণ নোট করুন, তারপর আমাদের **9707 9000** নম্বরে কল করুন অথবা [cb.city/reportit](http://cb.city/reportit) -এ গিয়ে রিপোর্ট করুন। আমরা আবর্জনার স্তুপের তদন্ত করবো এবং এটা সরিয়ে ফেলবো।

কেউ রাস্তার উপর ফেলে রাখা জিনিস দেখতে পছন্দ করে না। আপনি কাউন্সিলে অবৈধ ডাম্পিং-এর ব্যাপারে জানাতে পারেন যাতে আমরা এর তদন্ত করতে পারি।



# আপনার বুক করা ভারী বর্জ্য পরিষ্কার

আপনার যদি বড় অবাঞ্ছিত জিনিস থাকে যা আপনি বিক্রি করতে পারবেন না বা কাউকে দিতে পারবেন না তাহলে আপনি কাউন্সিল থেকে একটি ভারী বর্জ্য পরিষ্কার সেবা বুক করতে পারেন। এই পরিষেবাটি এমন জিনিসগুলোর জন্য যা কোনও বিনে আঁটানোর জন্য খুব বড়।

সকল পরিবারের প্রতি ক্যালেন্ডার বছরে দুটি (২) ভারী বর্জ্য পরিষ্কার পাওয়ার অধিকার রয়েছে। এপার্টমেন্ট বা ইউনিট ব্লকগুলো থেকে আসা প্রচুর পরিমাণ উপাদান ভালভাবে ব্যবস্থাপনা করতে অতিরিক্ত সংগ্রহের জন্য আবেদন করতে পারে।

বুকিং অপরিহার্য, বিশেষ করে গ্রীষ্মকালে। গৃহীত জিনিসগুলোর জন্য অনলাইন বুকিং সিস্টেম দেখুন।

সংগ্রহের জন্য আপনার জিনিসগুলো যখন বাইরে রাখবেন:

- নির্ধারিত সংগ্রহের আগের রাতে জিনিসগুলো বাইরে রাখুন;
- আপনার স্লুপ পরিষ্কার এবং পরিপাটি করে রাখুন এবং আপনার জিনিসপত্র দিয়ে ফুটপাথ বা রাস্তা অবরোধ করবেন না;
- তিন (৩) ঘন মিটার আকারের সীমারে থাকুন। আপনি যদি এটি অতিক্রম করেন তাহলে কোন অতিরিক্ত জিনিস সংগ্রহ করা নাও হতে পারে অথবা আপনি আপনার একটি বুকিং হারাতে পারেন;
- শুধুমাত্র গৃহীত জিনিসগুলো রাখুন;
- ভিন্ন ট্রাক দ্বারা সংগ্রহের জন্য একটি পৃথক স্লুপে গদি রাখুন; এবং
- আপনাকে দেওয়া রেফারেন্স নম্বর লিখুন অথবা একটি দৃশ্যমান জায়গায় স্টিকারটি সংযুক্ত করুন।



## কিভাবে বুকিং করবেন



আপনি কি বাড়িতে বা ডুপ্লেক্সে থাকেন?

আপনার ক্লিন-আপের জন্য অনলাইনে **cb.city/cleanup** অথবা **9707 9000** নম্বরে ফোন করে বুক করুন



আপনার বুক করা ক্লিন-আপ তারিখের জন্য নিজেকে স্মরণ করিয়ে দিতে একটি রিমাইন্ডার সেট করুন

আপনার জিনিস সংগ্রহের আগের রাতে আপনার জিনিসগুলো কার্ভের উপর রাখুন এবং নিশ্চিতকরণ স্টিকার সংযুক্ত করুন এবং/অথবা জিনিসগুলোর উপর রেফারেন্স নম্বর লিখুন



আপনি কি এপার্টমেন্ট বা ইউনিট ব্লকে থাকেন?

সর্বোচ্চ ৫টি  
ইউনিটসহ

৬টি বা তার বেশী  
ইউনিটসহ



আপনার বিল্ডিং-এর কেয়ারটেকার অথবা স্ট্রাটা ম্যানেজারের সাথে যোগাযোগ করুন যিনি পুরো ভবনের পক্ষ থেকে বুকিং করবেন

কোথায় এবং কখন আপনার জিনিসগুলো সংগ্রহের জন্য বাইরে রাখতে হবে তার জন্য বিল্ডিং ম্যানেজারের নির্দেশাবলী অনুসরণ করুন

আপনি দিন বা রাতের যে কোন সময় অনলাইনে ভারী বর্জ্য পরিষ্কারের জন্য বুক করতে পারেন। বুকিং করতে এর থেকে সহজ আর কিছু হয় না।



আপনার যা জানা প্রয়োজন তা খুঁজে বের করুন...



9707 9000  
নম্বরে কল করুন



cb.city/wasteless  
দেখুন



কিউআর কোড  
স্ক্যান করুন

